

p'ani 'o micu kuzo

ine noan'o, panto mo cono emoo, ohe teongasi to emoohe 'o ohe  
ongacvi ci 'oanũ ne moso otaseoni, mohcu e'ohũ uhto ezoezoyũhe. ine  
mohcu maine'e ne micu peyoyofna, mainci acũhũ uk'ana 'o ohe ongacvi ci  
ma'o'oanũ. mohcuso asngũcũ maica ho aha'o uk'ana 'o lahe ongacvi, ko'ko  
ihe yainca, “ ma sia nala oasoe tola ongacvi ci ma'o'oanũ?”

mohcu no maica, moso cihi 'o moso mozu ma'na'o to emoo ho  
totoefũgũ to f'uf'u to hopo, tesi akoeva no poenga zou sia nala aaha'o  
oasoe to lahe ongacvi. ine micu acũhũ e'ohũ 'o mocmo, mo maezo fiifiho  
mongoi 'o av'u, manci isi akameosa teolũi nemo

aha'o yuyafo to ceoa 'o ohe la efo'a ci mohcu mcoi ci nia 'oahngũ, mo  
biavovei to mũ'eona to emoo ho teou'tũmũ no tehe ana ci ma'o'oanũ, mo  
na'no kũehoi ho enghova 'o sapcihe, ihe ahoza patmũta 'omo supeopeohũ to  
ceoa ci naveu, micu teoa non tehe peela 'o'ana ci mocmosi, mamoso o'te  
ahtu elũ no tehe ana. micu emo'usnu to pupuzu ho iachia capi 'o t'angohe  
ho oafoui. ine isi aiti to moso totoefũgũ to f'uf'u to hopo ci cou, mo kuici  
yamci ho alũ smo'ue'ũyũ to hiasi smoyoa. isi talũi to mohcu kuzo nemo  
aot'ot'u, ihe ta'unano micu yuovei 'o av'u, mo 'osni yumsu'eonũ to ceoa.

ine osi evaha to 'oahngũsi to moso totoefũgũ to fu'fu' to hopo 'o osi  
aiti ci a'a'ausna , ihe toehunga tasmoyoa ho taunona'vũ.

ohela efo'a to aemana 'o lac'u kuzo ci 'oahngũ ne noana'o, o'a ohe la  
bochio no p'ani, ahoi nemio, ohecu la p'ani 'o lac'u kuzo.

食物供祀祖先

從前有個人家，他們發現一連幾天家裡吃剩的食物都會消失。便留下一男子躲在床底查看。等到其他人都走了，他看到亡故親人從土裡出來尋找食物，祂拾起落在地上的飯粒，走到火爐旁，用火自己的腳肉吃下，男子看了，驚嚇不已，全身抖個不停；亡魂聽見，又鑽入地下。家人回來後，男子把目睹的情形講述一遍，大家都覺得不可思議。

從前，鄒族人將已過世的親人埋在屋內，但不供祀食物，自那時起，族人便有以食物供祀亡者的習俗。